

Бӕӕрн газрин Советсин депутатнр олна тӕрт шунмгӕа орлцачнр

★
Д. АНДРАЕВ
Каспийск райсоветин
куцӕгч комитетин
ахлач
★

Коммунистическ тосклин агуу ик зураг куцӕхӕр ноолдхд куч-кӕлсчирин депутатнрин Советсин ниличнӕ йир ик. Советс, государств заллгӕнд, эдл-ахун болн культурн тосклинг гардлгӕнд олт-ӕмтиг орлцуллгъ теткдг куч-кӕлсчирин олна организац мӕн.

Советсин куцӕдг олт-дундин бурдӕмджин кӕдлмшин голлгч нег янзнь—Советсин цуг олт зӕсн кӕдлмшт депутатнрин орлцлгӕн мӕн. Олт-ӕмти дунд ним улгӕр келгднӕ: „Советск депутат—олт-ӕмти зарц“. Эн, тийм чигн мӕн.

Советск олт-ӕмти, депутатнрт бийсинӕ эрки сӕн кӕвуд-куукулӕн сунгъгӕна. Каспийск района болн селӕдин куч-кӕлсчирин Советсин депутатнрт 134 депутат сунгъгӕдсмн. Депутатнр дунд бидн олт зӕсн профессиетӕ улс узнӕвдн—кӕдлмшчирин, колхозникудин болн советск интеллигенцин элчнр бӕӕнӕ.

Улгӕрнь, района Советин депутатнр дунд „Каспиец“ колхозин звеньевой, нертӕ загъс А. П. Бабичев бӕӕнӕ. Производственн даалгъврӕн эн дачгӕн давулдж куцӕнӕ. „Вторая пятилетка“ колхозин эрки саальч О. А. Жигульская 1957 джил укр болгӕнас 1247 литр ӕс саадж авб, Прикаспийск МРС-н модна урн Ю. Б. Окушкаев савмуд яслгӕна производственн даалгъврӕн 120—150 процент куцӕнӕ, Северн селӕнӕ Советин депутат, „Красный моряк“ колхозин ах хӕбӕч У. Х. Бембеев 100 хӕбӕнас 141 хург авб, Каспийск поселкин Советин депутат, „Каспиец“ колхозин тӕрӕнӕ бригадин бригадир В. И. Соловьев, ницн джил темснӕ культурар ик ургъц авад колхозникуд куч-кӕлснӕ ӕдртӕн 15 арслнӕ даву авснднӕ ик дӕнӕ болв. „Оленичевский“ совхозин ах

хӕбӕч, Михайловск селӕнӕ Советин депутат Манджиев Намыс ик гилд производственн диллвр бӕркӕр ноолдджана, эн джил тер совхоздан 567 хургъ бгв.

Депутатнрин кӕдлмшин центринь—сунгъгӕрнин округ. Рыжовск селӕнӕ Советин депутат Эрднеев Убуш энуг сӕӕнӕр тодлдж авч. Эврӕннӕ округин сунгъгӕчирур эн дару-дарунь одна, теднӕд кӕр-куундвр кенӕ, тегӕд бӕӕх бӕӕдл-джиргӕлинь сӕӕнӕр меднӕ. Нег ладж сунгъгӕрнин округд тооцана хург болсна дару кӕгшн ӕвгн Урялаев пенс авхд дӕнӕ болтн гидж депутатас сурснд, эн аргӕинӕ олад пенс гаргъуль.

Северн селӕнӕ Советин депутатнр уӕрмуд Луцева, Эрдни-Гаряев болн Киселева сӕн селӕвр узулджӕнӕ. Эврӕннӕ сунгъгӕчирла эдн кӕр-куундвр кегӕд, Совет ямаран шиидвр авсна таньдулна, сунгъгӕчирас сурвр-эргӕс бӕӕхлӕ хӕлӕдж, негинь олна.

Северн Советин агӕуд бань, тӕрлгӕнӕ гер болн библиотек тоскин тускар сунгъгӕчнр депутатнрт шидр даалгъвр бгв. Депутатнр селӕнӕ Советлӕ хамдан эн даалгъврнр шиндждлж хӕлӕдж кууулцхӕв, Северн селӕнӕ Советин ахлач ур В. Баканева колхозникуу олна хург деер эн даалгъврнр сонӕсхдж келв. Красный моряк“ колхозин колхозникуд эн даалгъврнр икӕр лурлдж дӕнӕнд, колхозин мӕнӕгӕр 1958 джил бань, тӕрлгӕнӕ гер болн библиотек тосккин гидж шиидцхӕв.

Куч-кӕлсчирин депутатнрин бӕӕрн газрин Советст сунгъгӕвр болхд Улан-Хол поселкин сунгъгӕчир даалгъвртан зӕвӕр олт селвг орулдж бичсмн: поселкиг электрофицировать, радиофицировать кех, эклц школ тоскк. Советин депутатнр эн даалгъврнр куцӕв.

Советск эдл-ахун, культурн организацсин болн учрежденьсин кӕдлмш ясрулхин тускар болн селӕд кеерулдж-сӕӕхрулхин тускар селӕдт болн Каспийск поселкд бӕӕцхӕсн сунгъгӕчнр бийсинӕ даалгъврнр кегс сӕн селвгуд бгцхӕснӕ бас куцӕгдв.

Улгӕрнь, Северн поселкд дундин школ бӕрлгӕн болн электрофицировать келгӕн дуусгдв, Михайловск селӕнд—шин клуб тосхгдв, селӕн электрофицировать кегдв.

Каспийск поселкин Советин депутатнр шунмгӕгӕр орлцсн учрар, Ракуш поселкд магазин бӕрлгӕн дуусгдв, Улан-Хол станц кӕрлг автобус гуудг болв, селӕд сӕӕрулгдв, 600 модн суулгӕгдв.

Сунгъгӕчирнр депутатнр тооцагӕн бгчӕх зӕвтӕ. Апрельн 15-н кӕрлг поселкин болн селӕдин советсин 77 депутат тооцагӕн бгв. Района Советин депутатнр тооцагӕн ода бгчӕнӕ. Тооцана саамла сунгъгӕчнр советск кӕдлмш ясрулхин тускар зӕвӕр олт сӕсӕв-селвгӕн бгчӕцхӕнӕ.

Бӕӕрн газрин Советс оньдндян бӕӕдг комиссмудӕр дамджулад олт куч-кӕлсчирнр Советсин кӕдлмшт бргнӕр орлцулджана. Куч-кӕлсчирин депутатнрин бӕӕрн газрин Советст сӕл сунгъгӕвр болсна хӕбн районд оньдндян бӕӕдг 23 комисс бурдӕгдв, тер комиссмудг 96 депутат болн 100 гар активистнр кӕдлджӕнӕ.

Куч-кӕлсчирин депутатнрин района Советин депутат ур В. М. Фонов гардачта, эрдм-сургъулин болн эрӕл-менд харлгӕна оньдндян бӕӕдг комисс, активӕр тӕш авад, тедгтӕ сӕӕнӕр кӕдлмшӕн куцӕджӕнӕ. Района Советин сессийн болн терунӕ куцӕгч комитетин шиидврмуд ягъдж куцӕгдджӕхинӕ эн комисс оньдндян арлн ордж шуудж хӕлӕнӕ.

Района школмудг сургъулин-сургъмджин кӕдлмш ягъдж кегдлж йовхин тускар сессий деер хойр дакдж сонӕсгдв. Эн комиссин ахлач ур Фонов эн тормудӕр хойргч докладчикнӕ болдж уг келв. Эн комисс эврӕннӕ заседань деер школмудин, больницсин, бичкдудин учрежденьсин болн гуулгӕнӕ кӕдлмшиг ясрулхин тускар 7 тӕр сонӕсв.

Куч-кӕлсчирин депутатнрин Каспийск поселкин Советин гуулгӕнӕ болн белдлгӕнӕ комисс (ахлачнӕ депутат Дмитриев) зӕвӕр сӕӕнӕр эврӕннӕ кӕдлмш ясрулв. Каспийск райпотребсоюзин магазин болн киоскин кӕдлмш эн шуудж хӕлӕнӕ.

Бӕӕрн газрин Советсин шунлтиг бодлулхӕд, олт ӕмтигӕд теднӕ залгӕлдаг бргджулхӕд куцӕгч комитетсин болн цу советск эдл-ахун аппаратсин кӕдлмшиг Советс арднӕ ордж шуудж хӕлӕдг болхла, государственин управленӕ бӕӕрн газрин органсиг улм цааранднӕ батлхд, района советск Учрежденьсд болн организацсд бӕӕх зӕвӕр ик дуту-дунжсиг уурулхд дӕнӕ болхнӕ лавта.

Эн тӕлӕд кен чигн депутат эврӕннӕ кӕдлмшӕн улм ясрулад, сунгъгӕчнрлагӕн залгӕлдагӕн батрулх зӕвтӕ.